

泰和縣志卷二十九

藝文錄 詩彙

詩彙 下 五律 七律 五截 七截

五律

初伏闕上書得旨還鄉上楊守秘書 宋劉過

郡大廬陵古分符得秘郎息爭民珥筆課最米連槽水隔
蓬山遠風凝畫戟香少須官事了歸去玉為堂

百計歸無策誰知禍有胎江河周顛泣城郭令威來訪舊
鬚俱白過家心欲摧故鄉非不好不是錦衣回 采府志補

送葛源之太和主簿

穆修

勿嘆從卑位聊欣適去情秋風九月急飛鳥一帆輕鱸斫

泰和縣志

卷三

藝文

詩彙

江鱗活杯嘗楚釀清繁華莫回首寵辱正堪驚

社日奉寄君庸主簿

黃庭堅

花發社公雨陰寒殊未開初聞燕子語似報玉人來遮眼
便書冊挑龔欺酒盃傳聲習主簿勤為撥春醅

侯尉覆按吉水未歸三日泥雨戲成寄之

歎息侯羸老尉曹鞍馬疲山花迷部曲江雨壓旌旗越鳥
勸沽酒竹雞憂蹋泥不知何處醉遙寄解醒詩

太和奉呈吉老縣丞 排律

山擁鳩民縣江橫決事廳士風尊健訟吏道要繁刑觥觥
今無種蒲盧教未形里多齊暱氏材謝宋庠丁令尹三年
課斯人萬物靈吾方師豈弟僚友助丹青



快閣書呈吳宰

徐鹿卿

千里章江路登臨獨此雄清波長夜月落木又秋風浪蕊
浮花外盟鷗狎鷺中詩魂蘇醒在千載豫章公

采府志補

將母赴贛道西昌

文天祥

重來鷗閣曉帆影漲新晴倚檻雲來去開簾花送迎江湖
春汗漫歲月老崢嶸手把忘憂草夔夔上太清

題陽靈洞

明 劉崧

仙宇何年闢靈泉盡日聞石門通別殿木棧倚高雲鸞鳳
時來下獼猴近作羣春風城郭暮煙霧正紛紛

過龍灣五王閣訪友人不遇

野橋秋木落江閣暝煙微白日又欲午高人猶未歸青林

泰和縣志

卷五

藝文

詩景五律

二

依石墻虛館淨柴扉坐久思題字翻憐柿葉稀

小莊道中

王沂

客路千厓裏春風二月中虎蹄荒逕少鶯語故鄉同澗水
縈迴綠山花自在紅物華空滿眼去意只怱怱

雲峯寺次劉子高韻

蕭執

初陽陟層巘松徑劃然開涼飈動嘉樹飛瀑吼晴雷避俗
僧初定看山客正來兒童披短褐顛倒掃莓苔

聞道

陳謨

聞道潼關下黃流似海深由來天設險過者日傷心漢殿
芝房冷唐陵玉鬢沉不應有佳氣鬱鬱尚如今

入閩

蕭岐

自入閩中道偏諳物外情田從山上種船向石稜行海味
空多族榕根盡倒生連城公館好驛使遠相迎

秋日贈別西溪故友

周是修

一劍南遊慣山行秋始涼草枯泉脈見樹合嶺形長去馬
衝殘雨歸鴉背夕陽臨岐更何語涕淚在衣裳

山居

幽居隱薜蘿誰問夜如何風定雲昏斗星稀月渡河征鴻
聞去遠落葉坐來多見說邊庭士防秋尙擁戈

幽居晚雨

一戶通幽徑依依做竹間亂雲低白晝疎雨濕黃昏犬吠
當林屋鴉居隔水村呼兒供棗栗獨自酌芳樽

泰和縣志

卷三九

藝文

詩彙
五律

三

挽陳海桑

排律

梁蘭

鄉邑推名教先生屬典刑道承前烈矩學殖後昆型立志
希濂洛研精續考亭源傾趨峽水色煥麗天星寵召辭丹
陛休歸掩素局罷吟司馬賦閑授伏生經來者崇師說聞
之慕德馨科場三較藝燹鼎屢徵銘鈎蹟仍忘倦張皇亦
靡停渥殊遭聖代福侑享遐齡會侍春風座嘗陪暮雪庭
徒勤瞻北斗未獲徙南溟晚辱招呼數時欣候問甯直期
姻好在詎意考終丁和氣奚由接嘉言豈復聆芝蘭空雨
露桃李自郊垌遺帙棲芸閣殘詩寄紙屏居人悲哽咽過
客走伶俜行不虧家乘名應託汗青心喪古有制援筆涕
交零

按此詩舊志載
梁混作今考正

合州寫懷

梁潛

忘却儒官冷誰爲蜀道吟一身猶長物萬事豈關心水鳥
窺魚立山雲帶雨沉人生聊適意莫受旅愁侵

題環秀山房

排律

聞說幽居好青山四面看遠村如栗里深谷擬王官芍藥
開新塢芙蓉滿舊灣水聲晴作雨嵐氣夏生寒傍澗還栽
竹開畦更藝蘭池荷堪製佩圍籜可裁冠載酒邀人飲攜
琴掃石彈閒情長自遣世慮不相干鶴唳青邱外猿啼綠
樹端何由過玉笥清論罄交歡

秋夜有懷

梁混

碧樹生寒早虛窗貯月深鳴蛩先近枕驚鳥數喧林茵接
泰和縣志

卷三

藝文

詩彙
五律

四

懷雙壁囊空恥一金不眠清夜永勞想爲知心

遊尊勝寺簡畧師

四境人烟迥禪宮一逕遙架橋通窈窕飛閣歷岩龕日暮
黃雲合秋高碧樹凋遠公眞靜者塵外數相招

答黃宗載

楊士奇

又是三年別新來百感增薰蕕安可問枘鑿苦難勝白髮
落垂盡青山歸未能故人贈佳句擬報玉壺冰

宿平陸村

蕭翀

昔年曾此宿今日是重遊兵後人煙少村中草樹稠霧開
螢照夜月霽雁鳴秋明發前途去逢人問鎮州

月下對酒

王直

萬里浮雲盡孤城畫角殘月從今夜滿人在異鄉看隱隱
關山遠淒淒風露寒客愁誰爲減應賴酒杯寬

得兄行敏書知在臨清將北上

嶺外三年別天涯萬里迴書從今日到船向幾時開落日
關山遠清秋鴻雁來重陽看漸近同辭菊花杯

雨

野迥雲容黑江長雨氣寒春隨花片減愁向酒杯寬亂水
通流急孤舟逆上難白鷗渾自得來往任風湍

滄洲

贛水緣南趾文溪繞北涯分流通曲渚滙合漲平沙豈但
千頭橘還宜五色瓜人生貴自適老至欲移家

泰和縣志

卷五

藝文

詩彙
五律

五

省親詩贈郭紹容

陳循

憶別嚴親久今朝定省遊滿斟桑落盞穩駕木蘭舟燕語
東風暖鶯啼綠樹稠倚門親望久去去莫遲留

舟歸病阻白鷺洲

龍嘉柱

重到知何日空思秋水平風吹煙雨散雲帶鷺鷗輕逸興
無今昔閒愁有死生衰殘甯不達獨坐一生情

聞何孝子廬墓作

羅欽順

風雨青山夜苦寒病骨懼精誠驅魍魎嚴衛伏於菟報德
心何極旌門詔有孚孝經餘斷簡長此奉訃謨

示先迪先恕二弟

非引勿登樓樓居嫌間雜人來往以此五字榜於梯邊二弟以避嫌遂少見過也樓高近斗

牛俗人那得溷同氣合相求至樂存書卷餘歡付酒甌此
心渾不妄溪上有羣鷗

同允恕弟遊金魚別業次韻

夜榻幾論心村莊更一臨作樓偏得景栽竹漸成陰帆駛
風初正尊殘日未沉坐聞哦五字憂思覺同深

閉關屢校二首之一

劉魁

自是足容重因而屢校加咸腓宜有戒良趾定爲嘉岐路
何須泣窮途不用嗟毫釐千里謬從此保無差

誕日有感二首

獨憐萬里外猶幸此身存父母當年愛蘋蘩何處尋疎狂
新罪案乳哺舊啼痕罔極真難報雲山欲斷魂

泰和縣志

卷五

藝文

詩彙
五律

六

罪戾甯無禁恩還未有期久違桑梓敬深愧蓼莪詩此地
逢生日何年是死時悠悠天地恨種種鬢毛絲

上十八灘

王思

春雨欲平岸灘灘無急流傳聞常畏險坐看欲消憂豈意
馳驅地仍爲汗漫遊鬱孤臺突起疑是望鄉樓

舟中

郭子章

三春滯水濱魚鳥狎成羣江濁流新雨山晴斂薄雲村春
幽澗急岸草夕陽薰何處城頭角偏令倦客聞

客愁

蕭士瑋

不待秋風起思鄉念已生髮愁今夜白月好故園明孤客
人千里荒城鼓二更停燈沽濁酒屈指數遊程

泰和劉氏沙村江樓

排律

周叙

勝地環江渚樓居俯岸沙
霞吞銀漢宿高傍碧空斜
曲檻低飛鳥長波漾落花
青藜宵隱映翠竹曉交加
林影侵書帙川光上釣槎
汀寒浮月露山曉護雲霞
眺遠情偏適臨清景更嘉
桃源仙客境栗里逸人家
一自登朝署空驚歷歲華
昔時遊賞處惆悵隔天涯

采府志補

泛舟龕溪

李有先

景物怡園盛登臨興頗娛
雲晴山易白霜降樹如珠
徑仄惟馴鶴林疎不宿烏
汾陽佳句在高調和人無

閒居遣興

國朝劉恒

尋幽營別墅耽靜避喧囂
祇自窮探討何因破寂寥
荒林

泰和縣志

卷五

藝文

詩彙五律

七

斜枕谷野水暗通橋漫託楊雄宅題詩一解嘲
一身方落拓雙眼未模糊野徑爭黃雀荒塘浴白鳧
苦曾嘗世味清欲漱詩腴倘就君平卜休論榮與枯

村居雜韻

瀹茗譚經史攜兒坐夜闌
風聲吹牖急檐漏逼人寒
漫惜知音少深思處世難
吾將銘陋室眼界尙能寬

姚雪門以秋帆歸觀圖詩見示時將有螺川之行因

次冊中羅旭莊太史原韻卽題其後兼以誌別

舊作燕臺客空歸且奈何
天圍吳甸濶雁落楚江多
一葉輕如駛千峯淨似磨
孤燈秋夕雨幾度撲飛蛾

月中塔

飛穎煙霄裏搖光夜月中瑤臺攢玉筍銀燭晃瓊宮遙挂
千林曉高懸一鏡空應知天柱上不與眾峯同

雪中塔

塵掃寒林下光凌白雪中層層明霽色片片撒高空幾認
華峯老俄驚玉筍同何人彈古調郢曲更求工

快閣初秋

梁機

秋來寸心苦慘淡祇登樓迺逐千峯淨澄澗一水流寒輕
無過鴈風急有行舟空濶平生意憑欄最上頭

虛閣頻頻上秋光日日另楓丹中夜雨天白數峯雲盤鶴
高難下輕波落不聞南飛響鴻鵠思共爾為羣

采府志補

午夜閱案有感

陳佐

泰和縣志

卷五

藝文

詩彙五律

八

眼底皆赤子求生欲並生念囚曾幾日一命送三更空負
倚闕望難寬解網情撫心慙化洽秉燭但怍怍

題保國直言後

有序

金姓

明泰和周是修德為衡府紀善時作上篇勸諸王下篇
勤各王府官屬厥後金川門啟約同好死難不應獨赴
應天府學自經御史請追戮成祖不允殆隱有愧於其
言也姓校士吉安得所著芻蕘集乃見之嘆其忠愛激
發深切著明足垂千古鑒戒謹題其後

漢代多賢傅先生足嗣音策陳全國上理奪後王心十族
叨安枕孤忠愧盡簪文山龜鑑在大節應同欽

采府志補

泰和縣夜泊雷雨

王士禎

明月墮何處忽聞鳴雨懸雷驚般山起電急劃江圓宿鷺
依連舸神龍出大川戰場蕭瑟極百感夜茫然

采府志補

縣齋歲暮

張維屏

訟庭羣吏散依舊把書看敢以學妨仕渾忘身是官泉聲
茶竈暖雪意紙窗寒念彼無衣者蕭然逼歲闌

新增

七律

字範徼巡諸鄉捕逐郡盜幾盡輒作長句勞苦行李

宋黃庭堅

白髮尉曹能挽弓著鞭跨馬欲生風乃兄本是文章伯此
老真成鬢鑠翁抱鼓諸村宵警報牛羊幾處莫牢空得公
萬戶開門臥看取三年最治功

出迎使客質明放船自瓦窰歸

鼓吹喧江雨不開丹楓落葉放船回風行水上如雲過地

泰和縣志

卷五

藝文

詩彙七律

九

近嶺南無雁來樓閣人家捲簾幕菰蒲鷗鳥樂灣洄惜無
陶謝揮斤手詩句縱橫付酒盃

次韻元翁從王夔玉借書

爲吏三年弄文墨草萊心徑失耕鋤常思天下無雙祖得
讀人間未見書公子藏山真富有小儒捫腹正空虛何時
管鑰入吾手爲理籤題撲蠹魚

吉老受秋租輒成長句

黃花事了綠叢霜蟋蟀催寒夜夜床受日摺收如盜至失
時鞭朴奈民瘡田夫田婦肩頹擔江比江南稼滌場少忍
飛煉眯君眼要令私廩上公倉

再次韻和吉老

今日僕姑晴自語愁陰前日雪鋪床三冬一雨禾頭濕百
斛幾痕牛領瘡民欲與翁歸作臘公方無事可開場相勸
凍坐真成惡愧我偷閑飽大倉

次韻吉老寄君庸

何郎生事四立壁心地高明百不憂白眼醉來思阮籍碧
雲吟罷對湯休諸公著力書交上尺璧深藏價未酬空使
君如巢幕燕將雛處處度春秋

觀王主簿家醪醖

肌膚冰雪薰沉水百草千花莫比芳露濕何郎試湯餅日
烘荀令炷爐香風流徹骨成春酒夢寐宜人入枕囊輸與
能詩王主簿瑤臺影裏據胡床

泰和縣志

卷五

藝文

詩彙

十

聞致政胡朝請多藏書以詩借書目

萬事不理問伯始藉甚聲名南郡胡遠孫白頭坐郎省乞
身歸來猶好書手抄萬卷未擱筆心醉六經還荷鉏願公
借我藏書目時送一鷓開鑠魚

贈泰和曾機宜

徐鹿卿

故家名姓塞乾坤曾上歐蘇涑水門似此高風甯幾箇至
今流澤到諸孫譚詩江上風煙圃訪我梅邊竹石村尚有
典型堪世守會看溟海化鵬鷗

題李老謙書舍

明劉崧

溫家亭子三江口坐對東風兔子寮錦石白沙寒歷歷碧
雲紅樹晚蕭蕭簾虛易覺天光幻衣潤常疑霧氣飄賴有

石門支遁在題詩長日出溪橋

入城

江水依然抱石磯獨行空感舊游非晚山當戶日初落
草滿城人未歸田鼠引羣穿井出山雞求食傍簷飛向來
車馬東門路忽憶朋游淚滿衣

客情

清明已過寒雨稀客情物色共依微庭前幽草忽如積江
上落花渾欲飛風雲慘澹隨長戟塵土蕭條上短衣雲亭
江上麥田熟昨夜月明還夢歸

花園

日日西園載酒來好花時挾洞門開水涵香霧空青濕山

泰和縣志

卷五

藝文

詩彙
七律

十一

擁晴雲紫翠堆林徑微風看燕度石橋細雨聽鶯回酬歌
却望雙峯近落月松聲萬壑哀

竹裏雛鶯盡日啼水風涼動小池西麝香眠起殘花落蝴蝶
蝶飛來碧草齊二水風鳴湘佩合三山雲壓楚鬟低冰盤
薦客清陰裏次第詩成石上題

小小軒窗溪水頭石門古路轉斜邱野林丹碧風初起山
橘青黃露未收鳥下平原飛雨夕猿啼孤嶂斷雲秋讀書
臺近招提境思見當年隱者流

露下亭臯錦樹殘霜融溪路白沙乾浮雲萬壑天光暝流
水孤村暮色寒有客求魚朝擁棹何人載酒夜停鞍風流
最好梁園賦擬向山中對雪看

秋日承廬陵曲山蕭壽春過林居臨別賦贈

秋露滿園桑葉飛遠煩江上問柴扉青山古道獨行晚白
髮故人相見稀細雨高原禾黍熟斜陽疎樹橘橙肥殘年
甚欲留君住何事驪駒只賦歸

秋日同子啟弟登武山盤桓游歷竟日乃反

王沂

一片名山四面青昔年傳此著仙靈北巖雲作西巖雨下
界人攀上界星虎嘯中峯誰振錫龍眠深洞不聞經興闌
一憇西霞館氣與陶皮接杳冥

采府志補

秀溪書院

劉江

一溪流水遠幽居萬卷遺書早富儲清白傳家無長物義

泰和縣志

卷十九

藝文

詩彙七律

三

方教子是良圖雞窗夜永留螢火芸室春香辟蠹魚繼述
由來當努力明時接武步亨衢

寄劉珪

梁蘭

春日已多夏日臨輟軸晝啼苦竹深野棠雨餘新水綠石
壁樹杪浮雲陰安知天地有終極不覺歲月還相侵我思
劉郎何可見徒使遲迴勞寸心

永思堂

尹昌隆

堂上雙親痛久違音容無復見當時百年未遂生前養千
古難忘沒後思霜月海天華表鶴夜窗燈火蓼莪詩水流
到海有時竭此恨綿綿無絕期

題蕭氏臨清軒

重構新亭繼往賢朱費仍瞰綠池邊
階倒浸天心月遠檻潛通谷口泉
山色雨餘侵玉笋波光晝靜映青編
今朝試倚闌干立佳致依然似昔年

題梅岡王氏竹所

幽居種竹久成林三逕梅香晚色侵
千畝月明看鶴舞萬竿秋老聽龍吟
蕭森繞舍清宵響蒼翠當軒白日陰
說盡子猷多逸興想應林下有知音

憶梅岡

梁潛

一亭修竹似山陰幾度來看風滿林
路繞芳塘晴澗落窗含翠鳥暖雲深
何時問訊春風後更共看暮夕景沉
最憶錢郎幽思好石苔涼淨共清吟

泰和縣志

卷五

藝文

詩彙
七律

三

柬彭叔介

梁混

彭君孝友聞閭里困辱誅求已半生
揮筆自憐鵝可換援琴長作鳳來鳴
池邊亭館邀人坐郭外桑麻仰子耕
祇爲家貧親獨老不將文采謁承明

謁忠節祠

余學夔

古今人物盛廬陵六一宗風是典型
赫赫忠貞垂竹帛雍雍劍佩炳丹青
力扶名教中流柱望聳斯文北斗星
謏薄素心常仰止瓣香清酌拜祠庭

中秋夜宴明倫堂前榕樹下

舉杯待月月苦遲金天一碧寒玻璃
雲升復隱榕陰外風送俄經泮水西
丹桂子成金榜動紫微人醉玉繩低
鷗鵬

萬里非難事安用人間八駿蹄

車田禾黍

牛牧八景之一

楊士奇

聞道車田隱處長一犁煙雨趁春忙
遶疇翻浪條條綠遍隴拖雲淡淡黃
水暖偏侵禾葉活風清時遞稻花香
太平無事歌謠處釀就醪酥送客嘗

徐泰和禱雨有應時請龍於武山三顧二潭

蕭執

泉阿出匣斬羣妖雨勢隨龍早勢銷
魚尾化時歸佛鉢馬蹄停處倒山瓢
丹心夜走三天檄赤地春回六月潮
從此京師蒙福早未應百里駐侯軺

鷗閣

陳循

泰和縣志

卷三九

藝文

詩彙七律

古

縣城南面開高閣正俯清江對翠微
名勝尙憐如往日登臨常想到斜暉
閣中諸老仍何在水上羣鷗只自飛
茅屋龍洲終遜此何年重許叩林扉

東軒

半畝溪山舊卜居往來塵跡自應疎
春風門巷花開後曉閣軒窗日上初
頻理琴尊留上客閒携燈火讀遺書
時平隱逸皆徵用丹詔行看下玉除

農耕

蕭雲龍

門徑東南遶綠疇步看農業日精修
鶯花滿眼犁鉏亂簑笠隨身雨露稠
玉兔升天牛未倦木龍開鎖粟方收
男兒肯效耕莘志三顧甯無到隴頭

見婦女插秧

楊 穉

旋拋金剪出蘭房，皂絹籠頭學野裝。
語逐林鶯清入調，笑分秧馬翠成行。
燕泥踏破金蓮濕，蚓竅穿來玉笋忙。
處處農桑兒女苦，青樓不信好風光。

遊山

尹 直

層崖深鎖薜蘿煙，雲液冷冷一脈泉。
深竅直疑通渤海，雲秋長是伏蜿蜒。
天光倒浸苔衣冷，月影清幽石竇圓。
豈獨汲甘歸茗鼎，仍分餘澤溉秋田。

宜梵院

李 穆

登科巷北隱叢林，此日重遊感慨深。
同學故人多顯達，舊時老衲盡銷沉。
僧田半入豺狼口，佛法難回犬彘心。
惟有泰和縣志

卷三

藝文

詩彙七律

五

殿前雙檜樹，歲寒相守到如今。

遠訪羅念菴留石蓮洞三日因賦

陳昌積

平坡何代表危峯，碣洞今成半畝宮。
陟巘豈徒聞地籟，鋤茅長自斷心蓬。
庭留白榻經年臥，門掩青屏一徑通。
翻愧疎慵叨座客，未將薰沐答春風。

宋府志補

寄懷

歐陽鐸

韓公一去近千秋，海水無心日夜流。
文字異時勞夢寐，風聲今日得追求。
不妨濁酒醒還醉，未許功名了即休。
去住不愁消息斷，青天遠接鳳山樓。

次韻寄二弟并自述

羅欽順

奉親堂上是安居，春酒杯長日自舒。
已向園林成獨樂，不

知廊廟富新除讀殘帝典孤燈在參透禪機萬象虛藥籠
祇今多國老聞身聊寄老翁壺

謁初祖主簿府君墓太元觀主蕭雲漢候於途因過

觀中少憩而歸

雙壠亭亭四百秋

府君嗣子附葬其側

總知龜卜契人謀山形盡向

龍門合王氣長依宰樹浮蘋藻薦誠趨後裔詩書垂裕仰

先猷獨憐宦轍馳驅久今日重來已白頭

山勢遙瞻百丈雄佳城盤處却冲融清溪世遠碑相亞白

屋人涪姓偶同

府君墓右前去十數武有清溪楊氏祖墳文貞公立石表焉山下居民十數家為攻

木之工皆羅姓也

藏劍有光應射斗出雲何意也從龍諸孫滿眼

來遊數若報當年種德功

泰和縣志

卷五

藝文

詩彙七律

六

髯翁疑是地行仙手把熏爐導我前溪上路窮琳館出屋

頭山合錦屏連古碑有字渾能辨

殿中有碑題云牛僧孺撰

鴻寶非人

可浪傳追省舊遊還一笑苦寒曾訝酒無權

廿年前送司空張公之葬

寒甚殆不可支歸途畧憩於此座客皆相先引滿累觴而散

己丑元宵西野弟見遺闔燈一架約同賞而未果今

年節屆兒輩出而張之固請一觀因奉卮酒為壽

余感念存歿俯仰惻然竟不能成歡而罷爰賦二

律以識余悲

漫說良宵抵萬金闔燈高照畫堂深精窮物相誇能事細

析秋毫覺苦心五彩特宜紅燭映雙眸剛免黑花侵早期

對賞人何在卮酒停來痛不禁

魂遊今夕定何鄉
忍對華燈獨舉觴
壁上龍蛇神未死
帖多西野座間風雨夜偏長
寒林漫託孤棲翼
古匣深蟠百鍊鋼
平日讀書渾恨少
五車剛費一杯藏

李母貞節卷

郭應奎

好看殤命移鄉里
母德真堪世教扶
不謂新歡成永恨
敢期後死託遺孤
忍心多少人魑魅
卓行分明女丈夫
三十年來天道顯
鳳雛今已入岡梧

溪山精舍

蕭元岡

草閣憑虛鎖翠煙
廻巒曲澗互盤旋
凭闌覺近魁三像
捲幔恍連五尺天
藤蘿幾樹渾如畫
風月一川不用錢
未須更問天台路
坐對南薰奏五絃

泰和縣志

卷三

藝文

詩彙

七

宿白水寺

胡直

春深傳道鹿扉山
獨往飄然歷九關
齋閣只同雲坐臥
祇林惟趁鳥飛還
豈無散聖遊方外
信有諸天異世間
欲夢周公吾老矣
楚狂遺跡似堪攀

得侯介潭消息

消息西來未忍聞
苦為多難復離羣
投荒自分先朝露
歎逝那知對隴雲
隔歲行塵猶避馬
早春芳草已孤墳
生還倘過山陽道
長笛何堪聽夜分

秋日田間

今日春田大半非
秋田猶喜荳苗肥
歡同禽鳥呼朋出
行逐魚樵共路歸
木落似延山入座
霜寒曾製薜為衣
農家

濁酒堪忘世不爲長生始息機

謁陽明祠

王鳴臣

先生正氣碧雲霄一疏終堪悟聖堯獨揭良知開絕學更
懷忠信格三苗護庭雙柏青長在勒筆雄文跡未凋八極
神遊知不爽屋梁月落聽風瀟

石蓮洞

蕭端岳

十年奔走探奇路晚倚煙霞慰石蓮學道竟忘巖穴險說
詩長聽玉堂元松風桂月人曾寐林靜山空鬼不顛更有
懸崖能貯日薜蘿深處况通天

泰和山八景

曾榮

岩巖太嶽最高峯屹若擎天一柱雄氣接金莖分夕露勢

泰和縣志

卷五

藝文

詩彙七律

六

同玉笋插晴空危峯半出星辰上絕頂孤撐霧靄中不用
飈輪周八極憑虛一覽思無窮天柱凌雲

玉虛樓觀隱仙靈四面峯巒擁畫屏松逕晚陰山霧黑芝
田春暖野煙青瑤臺鶴去風聲遠石洞龍歸雨氣腥遙想

雲車來往處碧霄涼冷夜冥冥

玉虛環翠

五龍宮闕鎖天秋往日龍君此處遊曾捧祥雲通北極還
爲甘雨沃西疇蜿蜒尙想隨鸞馭慘淡猶疑結蜃樓神物

化時何處問滿山涼葉亂吟秋

五龍披霧

派出仙流澈底清褰裳九渡聽波聲繁巖乍覺跳珠亂濺
石長疑碎玉鳴鴨綠微茫通漢沔虹流滉漾接蓬瀛幾迴

欲逐漁舟去恐有胡麻泛水輕

九渡鳴泉

南巖屹立勢崢嶸萬仞凌空玉削成翠碧潤含蒼蘚合畫
屏晴落白雲輕飛來鴻鵠應難過欲度猿猱謾自驚料得

真仙時到此月明碧落有歌聲南巖峭壁

紫霄宮闕枕危巒露濕芙蓉黛色寒萬壑浮嵐通窈靄半

空峭壁聳巒岼雲霞多向中峯出星斗疑從下界看定有

飛仙凌絕頂洞簫聲裏夜乘鸞紫霄層巒

青陽振蟄暖初回殷殷遙聞洞裏雷霹靂自知隨候應砒

勻長是被春催推車暗覺驅雲去振鼓旋驚挾雨來欲訪

靈湫何處覓幾回不敢傍巖隈雷洞發春

縹緲瑤臺絕點塵憑高霽色望中新扶桑影動千峯曙瑤

草香生幾洞春松露滴殘驚鶴夢海霞飛散見烏輪懸知

泰和縣志 卷五 藝文 七律 九

夜禮星辰後長聽金雞又報晨瓊臺霽曉

按八景詩舊志載王直作考通志府志俱為會梁作查抑菴集中實無是題今更正

送青螺郭公子告還豫章 謝三秀

澹煙芳草送征輪自是高堂有老親定省百年蒙聖主安

危萬里仗勞臣陶潛賦就甯因菊張翰歸與不為蓴出處

於公關世道還看白髮照麒麟采府志補

武山 巖堯日

秋淨巖深處處仙陶皮踪跡是何年出雲盡寫千山景遠

樹疏籠萬井煙北斗壇空留屐舄珍珠水潤濕瓊田便疑

駕鶴三神外還擬藏書二酉巖采府志補

快閣 劉傲

俎豆西昌有去思靈光升墜總關時晚晴多處曾登閣劫
火燒來又拓祠元祐幾人如此老江西一派祖公詩後生
仰止欽文行始信高風百代師采府志補

靜修齋

金幼孜

快閣西頭有隱居過簷槐柳共扶疎家饒沃壤尊多酒厨
近澄江饌有魚靜志不求三釜祿閉門長檢一床書市塵
車馬從轆轤止水芳心祇自如

贈翰林侍講余學夔還西昌

禁苑同官三十年忽聞承詔賜歸田玉堂金馬負如舊流
水閒雲客似仙解組未能忘去國聽雞無復候朝天今晨
相送情無限潦倒空慚雪滿顛采府志補

泰和縣志

卷三九

藝文

詩彙七律

三

甘溪書屋

曹 鼎

甘溪一曲抱村流結屋臨流面面幽詩禮已為諸子訓園
林還約故人遊門前鷗鷺閒來往山外煙雲任去留共說
多君能繼志源源世澤足詒謀

送曾時升還鄉

四朝元老寵恩多一疏辭榮鬢未皤獨向明時添故事更
尋閒地養天和長空孤鶴橫滄海活水羣鷗戲綠莎夾岸
柳絲春正好片帆晴日度沙河

題鳳洲草堂效吳體

桑 悅

江水四面圍高邱草堂結在邱山頭頻經春雨打不漏蒼
奈秋風吹未休枕邊驚聞櫓聲過檻外俯看雲影浮我約

吳郎來借住并吞沙草占溪鷗

樂元長之喪其長子評山廬墓側三年年友羅曰明

唁之以詩和韻

國朝 李友杜

跼踖翻嫌土室寬側身何處省温寒晨昏忍遠離親膝左
右居然奉父歡一枕江聲來別壑五更殘月照層巒愁心
無數天難問手得新詩帶泪看

曾孝子聖玉廬母墓就訪有贈

劉自越

尋父當年志已違

父遠遊孝子徧尋遇於橫浦泣請弗歸後莫知所之

萱花零落竟

何依愁橫武姥雲常結泪濕華峯雨載飛引罪居然囚土
室薦馨儼若奉慈幃長年孺慕情何極黑鬢星星帶雪歸

前後遊三華山詩

有序

梁 機

泰和縣志

卷十九

藝文

詩彙

七律

余兒時居山之東村出入嬉遊與此山為芳隣者七年
聞故老言唐羅真人飛昇於此時雖幼即心焉慕之每
昏旦雲烘泉響或行樵遙坐樹根山靜人稀時聞風鐸
振動林木輒悵望咨嗟若不能喻諸懷按仙鑑真人諱
公遠幼得道與張先生果葉法師法善俱事元宗朝甚
見尊禮鑾輿西幸豫寄當歸真人仙跡猶顯著其來山
飛昇雖出傳聞然丹臺遺跡宛然半山廟殿石像真人
儀甚少歲時祈請遍遠近更歷數朝已古矣知非鑿空
也余自徙居多四方之遊故山踪跡未數數然戊戌凡
一至焉題二長句志感而去已而更涉仕宦又十餘年
今癸丑之二月始復一至止宿山下憇林精舍流連旬
餘同遊有兄逸才兒子燮亦隨侍焉取玩舊句因復次
韻以志余慕真之志
於此山為極不忘爾

戊戌遊三華故山

靈山銀榜鬱青霄盡日巖扉絳節飄風雨無期谷神靜煙
霞有路羽人朝源頭溪水分明曲樹頂星河呼吸遙我是
三清舊童子真人天際許還招

山花故故向秋開，廿載山人始一回。乍覩渾忘青嶂面，初行猶滑碧除苔。世間棋局難中罷，磯上沙鷗莫浪猜。留著煙蘿返初服，終期採藥此巖隈。

癸丑重遊疊前韻

山勢依然矗紫霄，閒身亦免斷蓬飄。姓名已落三階籍，猿鳥猶噴五鼓朝。丹竈有形煙寂寂，碧天無路夢遙遙。仙源詎隔人間世，長待溪頭漁父招。

林中玉宇戶猶開，臺上真人去不回。殷地雷聲還送雨，捫崖衣袂任沾苔。多情歲月驚拋擲，至道虛無費指猜。倘許舊鄰稱北面，蓬瀛即在浴潭隈。

故名 以上四詩采府志增補

泰和縣志

卷十九

藝文

詩彙七律

垂

鴈塔先生自號瘦翁，姚雪門觀察為之作傳。邑人士競相傳頌，余未之見。頃先生郵示二瘦圖，即先生與觀察也。系之以詩，而不列其傳次韻二章。

歐陽柱

二瘦何因入畫圖，瘦翁一傳播通都。清深江匯文章水，

章水吾鄉水名

斗峭山形大小孤。

大孤小孤山名

夢得耽詩多和白，元之

作繪昔同蘇，紛紛詞客欽。雙美秘枕其如我，獨無

飯山風貌並堪圖。一賦歸田一入都，

時觀察將入都

春立雪門欣

雨化月當雁塔插，雲孤何妨添我成。三友或可徒行訪，兩

蘇試問東陽老，詩客束腰曾減帶。圍無

次韻和前題二首

曾聞身

輔世退耕人共圖貌雖俱瘦色仍都健如鸞鵠雙翰戢清
似夷齊兩竹孤名號不妨類郊島唱酬真可繼黃蘇帽寬
帶落閒相對出處何心話有無

省識雙賢此畫圖病餘老去瘦因都十年以長交偏久夾

巷而居德不孤俊友姚劉昔稱宋宋姚勉號雪坡新昌人狀元及第與同邑御史

劉元高少年齊名稱二俊曜仙兄弟今似蘇要知瘦孰如余甚座外參

看莫說無

禾江八景

姚頤

萬川爭赴斗門盤百尺橋成偃月看乍訝蟾蜍藏水底翻

憐鳥鵲散雲端清宵有客吟牛渚白晝行人入廣寒歷歷

新題輝翠柱分明十二玉欄杆長橋偃月

泰和縣志

卷十九 藝文 七律

三

橋南橋北界通闌傑閣雙撐作鎖關直切星辰闔闔表平

分煙靄畫圖間天迴屏障千峯合日落川原萬鳥還漫擬

排梯訪雲馭幾時仙佛出人寰雙閣留雲

山陂清溜響琮琤一帶虞球九奏聲雨後雲穿銀瀑落夜

深風夾石鯨鳴村田灌就禾皆玉水閣涼生樹亦瓊却笑

蟠溪老漁父紅迴幾載釣璜情鏐陂鳴玉

一掬清冷噴雲泉夜光明月出澄鮮松濤春雨瓶笙韻石

磴秋風乳竇煙十載空名憐雀彈千金奇寶失龍眠汲新

煮活真吾好看涌魚珠亦爽然瓶泉噴珠

武姥峯高夕照留淡煙疎樹最宜秋石巖斜界千盤現空

翠遙分一抹浮絕頂霜風迴鶴鶴重岡牧笛下羊牛倚闌

坐瞰歸人盡雁齒橋頭水月幽

仙巖夕照

暮景朝霞拂岫過天連洪寨翠嵐多滿山雲氣蒸紅藥一

片煙光護綠蘿雨歇巖陰消乍長風迴松逕淡仍拖空濛

何處尋樵叟悵望商芝發浩歌

洪寨晴嵐

柳市千家小聚成繁華燈火似東京隔江山射樓中影列

岸星從水底行估客招邀沽酒會郵兒下上賣餉聲莫愁

風雨橋邊過十里笙歌不夜城

江市夜燈

貝葉初繙寶殿重芙蓉漏促報晨鐘上方月落燈無盡近

市門開霧正濃花外仙音傳異鳥風前法鼓和長松會心

自是聲聞果誰向黃塵證五宗

花宮晨頌

澱洲八景 錄二

泰和縣志

卷三九

藝文

詩彙七律

雷

丹梯高處翠微橫雲氣逢逢接戶生帶雨乍看將鳥歿乘

風直欲挾山行磎邊隱現僧鐘濕天際飄颺鶴馭輕莫以

無心聊出岫為霖端合佐昇平

岫出雲

山形指點認尖星曉霧蒼茫望欲冥一氣下連江練白萬

家齊接爨煙青風來乍辨巖邊寺霽後爭高鳥外亭休擬

夜深元豹隱文昌戴斗自通靈

星岡披霧

郡旋棹舟夜歸

幾日歸帆到岸初速歸端為倚門閭三更落木風千葉十

里還家月一梳城巷迢迢人語靜霜天厯厯雁聲餘劇憐

慈母無窮意重向燈前補舊裾

重陽日偕友人遊清水巖遇雨

陳合龍

巉巖踏遍正清娛漫向在生學據梧幽谷霜乾紅樹駭洞
門雨過白雲孤橋邊石竹風鳴玉檻外銀泉水滴珠檢取
莫囊酬勝賞山邨茅店酒頻沽

春風攜手到禪堂結伴登高寄興長纜履重巖雲出洞旋
看遠瀑水飛霜詩牌共許題糕字酒椀還多泛菊觴此地
由來稱勝景裏糧道士豈荒唐

破塘口五磯

彭履信

章貢南來竹箭流五磯久已付龍湫祠邊巢燕隣沙鳥江
底遊魚戲鐵牛水勢雖能爭地力夫心未必忌人謀閒聽
父老滄桑語時憶曙台唐邑侯

黎楷樞邑侯新擢州牧

匡定先

泰和縣志

卷五

藝文

詩彙
七律

五

虎符熊軾拜

恩光

畫戟將凝燕寢香復見兒童騎竹馬重臨菱舍樹甘棠繞
身新賜金魚佩摘藻曾傳彩鳳翔畢竟前身真佛子龍洲

留得作慈航

留任
候補

鑄鼎呈妍鏡別妍不將稂莠蕪良田胸中籌畧儒兼將座
上神明吏亦仙火凜崑岡分玉石魚開疎網樂淵泉

帝心

簡在杼南顧寵賚何祇秩二千

龍泉有荏蒲之警侯同大
憲安撫保全無辜者甚眾

得自嘉
獎晉秩

閒登快閣共遨遊雲際聲聲雁影秋自昔詩仙開派別於
今刺史見風流作人長喜春生座懸榻猶懷月滿樓記取
文翁能化學循良應冠鳳池頭

此下原有蕭效淵孺子亭
詩應入通志此從刪

舟中遇雪寄懷華陽書屋同事諸公 胡琦

排空白浪雪花飛銀擁山河迷四圍絕岸泊舟風力勁小
艙傾榼酒香微索居寂寂心應共良夜沉沉夢尙依千里
雲山看不到遙望王氣想芳菲

泰和謁楊文貞公祠

程可則

三楊自昔規模遠道氣如公更可師不見諸軍平漢日獨
存孤趙論功時羣言幾奪天王眷片語能全叔父私今日
豐碑猶在眼更無蘋藻薦荒墀采府志補

同張虎別大參尋藥公因遊春浮園 施閏章

並轡聽鶯好入林重逢白社愜幽尋迴谿複岫霾煙霧老
樹荒藤見古今雨裏春光花檻濕樓憑山色酒杯深從嗟

泰和縣志

卷元

藝文

詩彙七律

美

陵谷須臾變別墅難忘謝傅心

謂伯玉太常采府志補

閏九月登快閣

張維屏

西風吹我到西昌風裏賓鴻伴客翔一笑且來登快閣百
年難得閏重陽歲豐到處樽能綠秋老誰家菊正黃身似
懶雲常戀岫官遊猶喜近吾鄉

霽青太守見訪遂登快閣同用山谷原韻卽送旋浙
難得異鄉逢舊好共登高閣快新晴石邊瘦竹偏能勁葉
底孤花忌太明官興已同秋水澹別懷怕見夕陽橫他時
一舸西湖去野鷺閒鷗再訂盟以上二首新增

五截

次郊行韻

明陳謨

煮茗樂濃春看山日日新遙知獨醒者却是太平人

懷泮池諸友

幽懷落泮池古柏守朱戶美人秀疎髯望望隔煙霧

仙巖雲氣

蕭執

峩峩千丈巖雲氣有無間神仙何必問自有濟人丹

鷺峯晴嵐

鷺鼻亦何高屹立江之南幾時躋絕頂拂袖捲晴嵐

題梅

尹昌隆

孤根稟純陽一朵一太極紛紛詠梅人此趣誰能識

過谷亭

楊士奇

明月轉槽竿露下孤蓬濕欲繫谷亭舟沙頭風正急

泰和縣志

卷五

藝文

詩彙五截

毛

夾溝遇邑人

聞道故鄉來辭家今遠近恐有南京書停舟試相問

送西昌歐陽永清韶州訓導

解縉

獻策黃金闕之官嶺外州送君離恨少江水共悠悠

采府志補

西昌八景

國朝劉恒

高岡橫駿驥玉柱翠相連遙指雲棲處崆峒別有天

天柱留雲

長留一片月潑艷半江新浪靜菱花裏清輝正照人

澄江印月

玉壘鎖高坵龍光夾岸浮離離荒草畔古堞尙空留

高城遺雉

年深閣已空冷落喚春風誰是盟心者煙波浩渺中

快閣盟鷗

倚天長劍起鎔鍊本鴻鈞半壁青峯落劈空截翠珉

仙巖登翠

直指丹霄上橫空斗可摩飛來鴻鴈影一一醮雲過

塔嶺雙飛

喚渡澄江畔蘆花杳靄間星津何處是尙不隔人寰仙槎古渡
誰弄連環影遺之在水濱迎風舒虎嘯映日起龍鱗豐樂壽樟

蛙居閑述 六言二首 明梁潛

藥圃斜通石逕柳塘淺築沙堤漁唱有時門外鶯聲只在林西

墨綠田瓜箇箇殷紅椒實垂垂蟬蛻草頭枯折鳥啄桑枝倒窺

七截

上蕭家峽 宋黃庭堅

玉筍峯前幾百家山明松雪水明沙越虛人集春蔬好桑

茵竹萌煙蕨芽 晚年本云越虛人在煙中語荷蓀歸來有蕨芽

泰和縣志 卷三九 藝文 詩彙 七截 天

蕭子雲宅

郁木坑頭春鳥呼雲迷帝子在時居風流掃地無爭處只有寒藤學草書

到官歸志浩然二絕句

雨洗風吹桃李淨訟聲聒盡鳥驚春滿船明月從此去本是江湖寂寞人

鳥鳥未覺常先曉筍蕨登盤始見春斂手還他能者作從來刀筆不如人

聞吉老縣丞按田萬安山中

苦雨初聞喚婦鳩紅粧滿院木渠秋樽前不見崔斯立應在諸山最上頭

次韻喜陳古老還家二絕

公庭無事吏人休，垂箔寒廳對奕秋。
催織青籠篔簹酒，竹爐煨栗煮雞頭。

夜寒客枕多歸夢，歸得黃柑紫蔗秋。
小雨對談揮麈尾，青燈分坐寫蠅頭。

三月己巳來賦鹽萬歲鄉，且蒐獮匿賦之家。
晏飯此舍遂留宿，是日大風自採菊苗薦湯餅二首。

飛廉挾雲開白日，顛撼天地萬竅號。
接莎桃李欲淨盡，乞與游絲百尺高。

幽叢秀色可攬擷，煮餅菊苗深注湯。
飲冰食藁浪自苦，摩挲滿懷春草香。

泰和縣志

卷五

藝文

詩彙

五

招吉老子範觀梅花

播糠眯眼丞良苦，鳴鼓連村尉始歸。
及取江樓來一醉，明朝花作玉塵飛。

侯尉家聽琵琶

舫齋蒼竹雨聲中，一曲琵琶酒一鍾。
恰似潯陽江上聽，只無明月與丹楓。

之官五年過太和，登快閣觀山谷石刻賦。
兩絕句呈知縣李紳公垂主簿趙蕃昌父

閣中陳迹故依然，欲問風流已百年。
南岸一峯東一壩，自言曾識老詩仙。

廬陵山水說西昌，天遺金華印此邦。
詩本道他將取去，如

何遺下一澄江

采府志補

二月一日曉渡太和江

綠楊接葉杏交花嫩水新生尙露沙過了春江偶回首隔江一岸好人家

按此詩舊志載胡直作府志載楊萬里作考直為本邑不應稱渡太和江其為他

氏作無疑今更正

西昌沈氏有山谷書社隄山水圖障歌作江山堂堂

廢其後人以黃書求題跋感賦一絕 文天祥

杜老已亡黃九去長歌大字落江山百年風物今何似春

水晚煙飛白鷗

按此詩舊志載胡直作府志載文天祥作玩題首西昌二字明係他氏詩今更正又

沈氏府志作倪氏杜老府志作杜二茲仍舊志以備考

江西省掾陳允中避罪來永新固守城池屹立羣盜

泰和縣志

卷三

藝文

詩彙七載

三

中泰和宣差以廉明著稱境內晏然 元周霆震

蜃氣樓臺轉眼空荒墟誰與弔秋蟲道邊小屋柴門掩猶

是當年種菜翁

采府志補

石鼓坑

明劉崧

松林日暮雨淒淒十里陂田五里泥一月離家歸未得桐

花落盡子規啼

題超上人墨菊

露香秋色淺深中青蕊黃花自一叢最憶南園微雨過短

籬扶杖看西風

南康仙臺觀呂巖嘗遊焉觀中人不識也死葬其山

後一道人來尋師啟棺惟二白石化為雙鶴飛去

今所畫巖像特異所見手持錢一文

陳謨

賞遍羅浮度庾關仙臺重訪羽人閒已收白鶴歸天上猶
把金錢翫世間

迎祥觀

梁混

石逕雲深長綠苔仙家樓臺絕纖埃空庭盡日無人到山
鳥窺簷時下來

題灌溪歸隱圖二首

尹昌隆

伯父發堂公今年秋八月以公務至京師辱枉顧
寓所徵言識別昌隆乃求工畫者為寫灌溪歸隱
圖遂賦二絕以慰公南歸之思
且以為異日歸侍之徵云

鶴髮蒙恩覲九天承天門外聽傳宣還鄉儘有田園樂滿

泰和縣志

卷五

藝文

詩彙
七載

三

日兒孫個個賢

松下樓臺溪上山故鄉渾似畫中看何時得遂歸田願杖
履追隨日往還

金陵送別詩

為子濟弟書

京國匆匆始合權鄉關遠隔萬重山連床未遂天倫樂又
棹扁舟弄月還

天井潭觀魚二首

劉啟

六六魚舟四面攢攔江合網密而寬人心嗜欲何能足猶
恨長江水不乾

天井之潭莫測深漁翁釣豎會如林大繪六六橫江潏堪
笑斯徒不姓任

東軒獨坐

桃花寂寞李花開
山中薄酒三五杯
邨西有客可人意
風雨今朝期不來

官橋晚騎

陳文中

白馬郎君氣似雲
馳驅長道日斜曛
澗虹溪服還相稱
知爾原親白鳥羣

斛山有感復欲絕粒次韻答之

劉魁

憂患何堪風雨頻
加餐幸愛百年身
閉關絕粒非無術
只恐厄臺來笑人

幼時題竹

劉鴻

搖搖曳曳舞青鸞
戛玉敲金耐歲寒
拜意主人休剪伐
他泰和縣志

卷五

藝文

詩景七截

三

年應借釣鰲竿

東同里曾氏諸親二首

羅欽順

晴明天色中和酒
九世依然共一堂
知是源深流亦遠
祇應相好莫相忘
忿來不管珠彈鵲
惑解真成鐵化金
物我平觀無一事
眼前何限好光陰

自題半影

安臥煙霞歲屢移
清羸渾似布衣時
等閒開卷非無益
只悔平生學道遲
早以儒冠對紫宸
三朝遭際忝臣鄰
恩深未報身先老
爲語兒曹合致身

登快閣

王 思

萬家煙樹澄江上長笛歸船愧白鷗忽見輕陰起天際恍

疑身在岳陽樓采府志補

龍陂橋雜詩

國朝 梁 機

橋跨陂數丈水門三其中為漂漲崩決土人束巨木引之廻繞田隴間凡十餘里故以龍名水微濁逕東入澄江則清瑩旋注與江一色矣草堂登眺不時四望清曠景色如畫凡得詩如左

平橋水滿碧江通下瀨聲迴曉岸風寒入四山青未了無

邊秋色落垂虹

煙着村南遠樹枝動搖紅葉亂寒吹夕陽思婦危砧後暮

雨人家閉戶時

垂柳垂楊雪點頻殘絲零落靜江濱誰將一夜煙波雨風

泰和縣志

卷五 藝文 詩彙七載

三

起蕭蕭泥殺人

白柄長鑿斗笠輕緣蹊人影尙秋耕扶藜小立烏犍路失

喜相逢問雨晴

霜薄洲前草未黃白蘋紅蓼尙年芳行人也自驚拋擲歇

向村帘索酒嘗

繞陂茅屋幾家村老樹荒園一畝分清晝閒門嘗自閉松

陰滿地日斜曛

清灣曲曲洗蒼苔樹裏蓬門闌淡開日暮水禽飛上下煙

寒浣女擣衣回

神鴉雨裏翻江色蘆荻風前響逝川幾度居人橋上望征

帆半是未歸船

碧樹澄潭蔽日暉曲流旋洑鱖魚肥家家逸獲矜沙斗辜
負清陰好釣磯土人傍江岸沙流壘石作斗形設水門復
水得魚無算名曰沙斗

橋外長松水外雲風濤樹頂日氤氳歸來長是憐心賞高
臥秋山酒十分采府志補

題澄江五老圖

姚頤

澄江風物絕埃塵老去林泉自在身要識諸公同樂處升
平多壽世如春

清閑天下第一福此語前賢定不欺請看澄江今五老松
廊竹榭共哦詩

一經齋識舊風流元龍仁夫先生有一經齋望裏靈光幾十秋快展新

泰和縣志

卷五

藝文

詩彙

七

圖重會面老成真箇屬龍頭謂圭堂先生

追隨十載荷忘年道服重逢潁水前身現宰相還佚老紗

帷綺席總如仙謂南莊先生

外家姻婭丈人行早向南豐一瓣香試訊歸田餘底物西

湖山水滿奚囊謂梅岳先生

樸學人稱接石渠家風仍共一牀書絮量千載誰倫比後

有二張前二疏謂木齋先生蓋南莊先生族子也

東西老屋一牛鳴樞侍談文憶父兄我愧無聞君宦退詩

家依舊重長城謂秀湄先生

槎翁劉子與龍逮龍坡曾恭簡文莊歐陽碩望幾常日每

風俗紀卽今真不愧先河邑乘載諸先賢居鄉範俗事甚詳

席間卮酒想歡同不及宣徽尺素通
充管題成傳好事他時我亦畫圖中

次姚太史題澄江五老圖元韻

劉廷鵬

先後歸田樂意同江鄉等勝白雲通
年來自笑猶匏繫真樂何時味箇中

泰和縣志卷二十九終